



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-06/02-34-57021-~~81~~25
Sarajevo, 30. 12. 2025. godine

SKUPŠTINA KANTONA SARAJEVO
Ovdje -

n/r Okerić Elvedina, predsjedavajućeg Skupštine Kantona Sarajevo

PREDMET: Odgovor, dostavlja se

Cijenjeni,

Ministarstvo za odgoj i obrazovanje Kantona Sarajevo (u daljem tekstu: Ministarstvo) je zaprimilo zastupničku inicijativu koju su uputili zastupnici u Skupštini Kantona Sarajevo **Aljoša Čampara** i **Admela Hodžić** u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), na 27. radnoj sjednici Skupštine Kantona Sarajevo, održanoj dana 16. 12. 2025. godine, u okviru tačke Dnevnog reda “Poslanička/zastupnička pitanja, inicijative i odgovori”.

Zastupnička inicijativa:

“Da se pristupi izradi posebnog zakona ili drugog propisa, kojim bi se regulisala nabavka i distribucija pomagala za osobe s invaliditetom, što uključuje korištenje novih asistivnih tehnologija koje se objektivno ne mogu svrstati u medicinske sprave, jer osobe s invaliditetom u Kantonu Sarajevo ostvaruju pravo na pomagala po Uredbi o obimu, uslovima i načinu ostvarivanja prava osiguranih lica Kantona Sarajevo na medicinska sredstva („Službene novine Kantona Sarajevo“, broj: 22/20).”

“Da se napusti strogi medicinski pristup i da se pomagala/asistivne tehnologije obezbjeđuju po individualnom pristupu, što znači stvarnim potrebama osobe s invaliditetom”.

“Da se u pripremi novog pristupa u oblasti asistivnih tehnologija, uključe Ministarstvo zdravstva Kantona Sarajevo, Ministarstvo za odgoj i obrazovanje Kantona Sarajevo, Ministarstvo za nauku, visoko obrazovanje i mlade Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo i predstavnici Koordinacionog odbora organizacija osoba sa invaliditetom Kantona Sarajevo”.

“Da se u narednoj budžetskoj godini formira novi ekonomski kod, odnosno posebna budžetska pozicija i planirana sredstva, gore navedenih ministarstava, kako bi se mogla planirati sredstva kojima će se finansirati nabavka i distribucija pomagala/asistivnih tehnologija, koje se ne vode kao

medicinske sprave i ne mogu se obezbijediti u okviru programa koji finansira Zavod zdravstvenog osiguranja Kantona Sarajevo”.

Odgovor:

Ministarstvo snažno podržava unapređenje sistemskih rješenja u oblasti asistivnih pomagala za osobe s invaliditetom i tehnologija, posebno u dijelu koji se odnosi na individualni pristup i uvažavanje stvarnih potreba osoba s invaliditetom, te će Ministarstvo za odgoj i obrazovanje Kantona Sarajevo, u okviru svojih nadležnosti, učestvovati u radu radne grupe, koju bi trebala imenovati Vlada Kantona Sarajevo, a u koju trebaju biti imenovani predstavnici Ministarstva zdravstva Kantona Sarajevo, Ministarstva za nauku, visoko obrazovanje i mlade Kantona Sarajevo, Ministarstva za rad, socijalnu politiku, raseljena lica i izbjeglice Kantona Sarajevo, Ministarstva finansija Kantona Sarajevo kao i kako ste naveli predstavnici Koordinacionog odbora organizacija osoba sa invaliditetom Kantonu Sarajevo.

Navedena radna grupa treba izraditi preporuke i dostaviti stručno mišljenje u vezi načina donošenja pravnog osnova za nabavku pomagala i asistivnih tehnologija za osobe s invaliditetom u Kantonu Sarajevo.

S poštovanjem,



MINISTARICA

Dostaviti:

1. Naslovu
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba